

EVANGELICAL BAPTIST CONVENTION

Dorcas Hall, New Lamka



THUPI

Khrist Nungzui Bawl Un

— \\ MATTHAI 28:19 // —

JANUARY - FEBRUARY

THUPI	SEPKHIAT DING DAN
<p>NINGZUIHNA KIBULPHUHNA (Foundation of Discipleship)</p> <p>Numeite Toupa Jesu sinsak thutak leh khalam hinkhua a kibulphuhthakna. Toupa Jesu nungzui ding a numeite kip-iaakthakna leh khovel thupil leh thuhoih tuamtuamte a kingalou a, Laisiangthou sinsakna liauliau a kingakthakna ding a kibulphuhthakna.</p> <p>Matt 28:18-20, Luke 14:25-27, Johan 8:31-32, Johan 13:34-35, Luke 9:23-24, 1 Kor. 3:10-11, Kol. 1:28-29, Heb. 5:12-14, 1 Johan 4:19, Sam 1:1-3.</p>	<ol style="list-style-type: none">1. Toupa Jesu hon sinsak nungzuihna theichian leh hinpihtheih ding a kisinsak a suutkhawm lai ding.2. Nungzuihna kichi khosakdan-hinkhua ahildan suutkhawm ding.3. Pasal leh pate a dinga thumkhawmna huntuum pat ding.4. Khrist nungzuihna leh nnahoih sep kiton-kizuihdan suutkhawm ding.

MARCH - APRIL

THUPI	SEPKHIAT DING DAN
<p>INKUAN A KHRIST NUNG-ZUIHNA DING A NUTE MOHPUAK</p> <p>Inkuan Pathian bawl ahi a; a lunglutna pen leng ahi. Nu-leh-pa'n Toupa Jesu nungzui a itna tak toh Khrist a kizopna a nei-hchiangun, insung biakna leh phatna inn hong suak a, huai mah khotaang leh saptuam ah hong taangkha hi. Tua dingin nute'n haihvualloh mohpuakna i nei hi.</p> <p>Deut. 6:4-9, Jos. 24:15, Efe. 5:21-22, Kol. 3:13-14, 1 Kor. 7:16-17;13:4-8, Gal. 6:2, Pau. 3:11-12; 22:6, Matt. 19:4-6, Sam 127:1-3.</p>	<ol style="list-style-type: none">1. Nute mohpuakna lianpen leh poi-mohpen tuh insung a Khrist mel lahkhiat ahildan kisinsak ding.2. Ei niteng hinkhua tungtawn a i inkuan-pihte'n Khrist nungzuihna a muhtheih ding uh ahildan leh tuabang a khosak dingdan kisinsak ding.3. Tate a dinga thumkhawmna huntuum pat ding.

MAY - JUNE

THUPI	SEPKHIAT DING DAN
<p>KHOTAANG DAMSAK KHRIST NUNGZUI NUTE</p> <p>Laisiangthou a kibulphuh itna leh thutak a zungkai khotaang i poimoh uhi. Inkuan chidam in khotaang chidam a gakhia hi. Khotaang a damna dingin insung ah nute' nasep ding a om hi.</p> <p>Nas. 2:42-47, Matt. 6:33; 22:37-40, Rom.12:2-5, 2 Kor. 10:5, Gal. 6:1-2;9-10, Efe. 2:10, Fil. 2:1-4, Kol. 3:11, Heb. 10:24-25, Jak. 1:27, 1 Pet. 4:8-11, Eccl. 4:9-12.</p>	<ol style="list-style-type: none">1. Khotaang chidamna insung a kipan ahildan leh nute'n mohpuakna thupitak nei i hildan kisinsak ding.2. Esther hinkhua leh nasep suutkhawm ding.3. Anntangpham tungtawn a khotaang damna dinga itna nasep sutzop ding.

JULY - AUGUST

THUPI	SEPKHIAT DING DAN
<p>LEMNA BAWLTU KHRIST NUNGZUI NUTE</p> <p>Gingtute a ding a Toupa Jesu thupiak ki-ittuah ding chih ahi. Mimal chih in Khrist itna tung-tawn a midangte toh kizopna hoih neihding tuppipen a i koihding ahi. Nupa kal kilemna, teekpi/teekpu leh moute kal kilemna, tate toh kal kilemna dinging nute'n mohpuakna poi-mohtak leh lianpi i nei hi.</p> <p>Matt. 5:9; 23-24; 6:12-15; 18:15-17, Efe. 4:31-32, Kol. 3:12-17, Rom. 12:17-19; 20-21, 2 Kor. 5:18, Jak. 5:16, Pau. 15:1.</p>	<ol style="list-style-type: none">1. Numeite, Pathian' hon bawldan him a lemna bawltu ding leh lemna thu puangzak ding a bawl i hihdan kisin-sak a suutkhawm ding.2. Abigail hinkhua leh nasep suutkhawm ding.3. Khotaang makai leh pawlpite a ding a thumkhawmna hun neih ding.

SEPTEMBER - OCTOBER

THUPI	SEPKHIAT DING DAN
<p>"KHAMANGTHANG MAN" KHRIST NUNGZUI NUTE</p> <p>Toupa Jesu' Nnagot Thupi sepkhiatna a kalbi masa tuh khamangthang matna ahi. Hiai gingtute tengteng sepding a Toupa'n hon nawtsiat nna ahih-manin nute'n leng, ei omna mun leh dinmun chiat ah sepkhiat i tup ding ahi. A semtu' hinkhua ah kipahna a tun a, a dongtu' hinkhua ah suahtakna, leh van ah Toupa' lungkimna a tun hi.</p> <p>Matt. 5:14-16; 28:19-20, Luke 19:10, Johan 3:16, Nas. 1:8; 17:17; 18:1-3, Rom. 10:14-15, 1 Kor. 12:15-26, Jude 20-25.</p>	<ol style="list-style-type: none">1. Nute a dinga Khamangthang Matna mun poimoh masapen tuh I insung ahihdan sinkhawm a, sepkhiat dingdan kinsinsak ding.2. Samari Numei hinkhua leh nasep suutkhawm ding.3. Veng-leh-paam, u-leh-nau pi-anthak nailoute a dinga thumna hun sehtuam neihding.

NOVEMBER

THUPI	SEPKHIAT DING DAN
<p>"KHRIST NUNGZUI BAWL" NUTE</p> <p>Tukum sung mimal, inkuan, khotaang leh saptuam a Toupa Jesu nungzuih ding ahihdan i sinkhawm hi. Khamangthang matkhawm ding ahihdan leng i sin in i semkhawm hi. Nute' poimohna leh mohpuakna letpenna mun ahihleh insung ahi. I insung chiat ah Khrist nungzui ding i chiil na hia chih kiveelthakna i neih uh poimoh hi.</p> <p>Matt. 28:18-20, Mark 16:15, Johan 1:45; 15:16-17, 2 Kor. 10:16-18, Efe. 4:13-16, Kol. 1:28-29, Heb. 6:1-3.</p>	<ol style="list-style-type: none">1. Tate leh inkuante Toupa Jesu nungzui ding a lamtua-mtuam a i makaih kan a mohpuakna thupizaw omlou ahihdan kisinsakthak a, tuchiang a i sepkhiatdante kikupkhawm ding.2. Lydia hinkhua leh nasep suutkhawm ding.3. Nnahoih leh itna nasepte tungtawn a Nungzui bawl ding.

DECEMBER

THUPI	SEPKHIAT DING DAN
<p>PATHIAN PHATKHAWM NUTE</p> <p>Huntengin nute i inkuan leh saptuam a dingin i thum a, insung leh saptuam damna khat ahi. Tu kumtawp ah, i thumnate Pathian hoihna leh zahngaihna puankhiatna leh kipahtugenna a zangkhawmlai ni. Bangkim ah kipahtu gen in, ngetna thumna pel lam ah Pathian phatkhawmna hunpi suaksak ni.</p> <p>Rom 11:36, Fil. 4:6, 1 Thess. 5:18, 2 Tim 2:1-2, Heb. 12:28, Psalm 78:4-7; 100:1-3; 103:1-4; 107:1, 1 Kro. 16:34.</p>	<ol style="list-style-type: none">1. Tukha a Dorka Pawl biakkhawmna hun omlaite Pathian kianga kipahtu genna hun a zat ding. Bangkim ah kipahtu genkhawm ding.2. Nnahoih sep sut-zop ding.